

廣南府志

1361217  
136115  
23





廣南府誌卷之四

文藝議 記 序文 辨

詩歌

兩漢之文意餘於言六朝之文言餘於意唐宋  
而降無體不備無奇不呈矣廣南在前朝猶結  
繩刻木之舊無所謂文藝也我  
朝不棄~~遺~~<sup>遺</sup>荒收入版圖設學立教訖今二百餘載  
振興鼓舞家藏典籍架列縹緗近來人文繼起  
科甲迭興文藝皆卓然可觀舊誌所刻雖之前  
賢鉅製亦多時彥佳篇茲悉仍之惟分類內稍

廣南府志卷之四 文藝

議

為增益且誌文藝

本朝

義學規條議

布政使 陳宏謀 桂林

竊惟人才之興惟資教育風俗之易端賴詩書  
蓋師道立則善人多士習端則民風厚實積漸  
之使然而非旦夕之可致也滇居邊末漢夷雜  
處仰沐

聖化之涵濡無遠弗屆固已聲教日隆文明漸啟矣  
而鄉寒子弟猶苦無力延師夷獮鄉愚或苦不



知嚮學教澤未廣則土習難以變遷化導未周則民風終於奮野故邊省義學視中土為尤急而鄉村義學視城市為尤急案查滇省義學荷蒙憲仁加意作養設法振興義學之設所在多有而於改土歸流之處俱奉

題

明設立義學或動公件或撥官庄其為化誨邊民之計誠足以樹之風聲而各屬之仰體德意者亦各捐建學舍置買學田祇以地方遼濶或止及於城市而未及於鄉村公費無多或止行

廣南府誌卷四

文藝

二

於目前而未經於久遠即其原有公田或而被隱佔或被侵收地方官以度支不敷經理為難不無因陋就簡之意奉司到任以來時承兩憲諄諄提命留心教養曾經通檄行查將現在開設者為某處應行增設者為某處目下修脯作何出產從前公項有無侵佔如無公項則將所需之費核定具覆往返駁查不遺餘力經今二載據雲南等府屬及各提舉陸續造冊詳報前來奉司逐加查核如雲南府屬昆明縣等共四

據



# 租

十九屬冊報城鄉設立義學共二百八十一所  
或舊有學田或新經添置或於官莊餘穀并叛  
產公租內撥給均足敷束修其雲南府屬之  
呈貢等十一屬所設義學五十二所或稱田租  
不敷或稱現在捐給奉司念義學之設必使  
費有常經庶幾事可垂久因逐加酌核按其所  
缺之數及買田之費於奉司養廉內捐銀一千  
二百五十二兩飭令各該屬買田收租永供修  
脯至於設學既久必須詳立規模始可永行無

廣南府誌卷四

文藝

三

獎謹擬條例四則恭候憲奪

一館師宜慎也成材之學取法宜上經館之師  
選擇宜嚴地方官留心採訪無論本地舉貢生  
員及外來紳士必須立品端方學有根底者延  
之為師至於城鄉蒙館即於本地附近生員儒  
士內慎選誠樸自好不與外事者為之地方官  
不時稽查勤惰並令教官按期協查如能克端  
師範實心訓課該州縣優其禮貌時加獎勵果  
有成效於年底報明奉司量行優獎如虛糜修



補情於督課者查明另延倘有不妥本分於設  
學之村寨唆訟生事愚弄夷民者是不得義學  
之益反滋漢奸之擾立即另行延請仍將所犯  
查審詳究以示懲戒每歲開館以正月為期散  
館以十二月為期開館時地方官將某館延請  
某人為師於何日開館之處具報至歲底散館  
將某館生徒若干成材若干幼童若干註開漢  
人夷人申報查考不得遲開早放有名無實虛  
糜館穀

廣南府誌卷四 文藝

臺

一化誨宜廣也成材之士務在敦勉實學習讀  
佳文不可仍踵陋習專工浮靡請將憲臺所刊  
書院條規及斯文精萃分發成材各館令其師  
生人等專心傳習並令館師將存心立品居家  
治事之道隨時指點切加勸戒至於家室則課  
讀而外必訓以拜跪坐立之禮儀君親節孝之  
大義每逢朔望館師率領各徒以次序立拜謁  
至聖次拜館師次令各徒交相拜揖館師於該地方  
敬將



聖諭廣訓明白講貫令各學徒環立聽講並許該處耆老民人齊集聽講上年奉司詳情印發

聖諭廣訓及奉司恭繹

聖諭均宜按館補發又奉司前歲重刊朱子治家格言四禮四禮翼原為興行禮教起見均請按館分發以上分發

聖諭及各書均交館師遞相交代毋使遺失

一學徒宜分別遞升以示鼓勵也在城義學成材為多在鄉義學蒙童為多然亦有蒙童而儘

廣南府誌卷四

文藝

五

可造就漸至成材者是不可不遞加甄別如蒙館義學內有資性聰穎勤於課業可以學文者即升之在城經館此等遠來就學薪水維艱該地方官量給膏火以示獎勵即城中蒙館童子能曉經書學為文字者亦即升之成材經館如經館中有成材生員文筆可造而人材又復可觀者仍許遵奉憲檄量給盤費給文送至省城候兩憲考取送入書院讀書如此層遞進取猶是古者由鄉而國之意而鄉僻生徒各知奮志



觀光將來於此中提拔數人轉相傳授士習文  
風均有裨益至村寨農館夷獠子弟鮮通官話  
不識漢字其始必以讀書為苦是在地方官加  
意引誘設法獎勵並令館師用心開導俾先通  
漢音漸識漢字並即訓以習禮明義不得以夷  
獠而忽之更不得以夷獠而拒之如有土目頭  
人阻撓不許向學者立即究處  
一田租歸官經理以杜私隱也從前學田州縣  
並不管理或教官經收或館師自收易致盤踞

漸多侵隱今撥給各館田畝有一處而分給數  
館者有數處而自給一館者零星分收完欠更  
難稽察此後均應歸地方官經收分給館師不  
許館師私收不許胥役分肥或租田附近學館  
地方官即令老成鄉約人等催令租戶服同就  
近上納並將納過數目報明地方官查考如有  
拖欠立即追比倘秋成尚遠館師不能枵腹課  
讀地方官量行捐墊取領存案於秋收時還項  
並將此田地租息另給佃戶執照於照內填明



田畝坐落坵數租斗數目取其佃戶租約如佃戶逞刁抗欠追照另行招佃將來新舊官交代一并另造清冊交代可也

以上所陳如蒙憲裁核定通行飭遵則既有一定之經費又有一定之事宜庶不致有名無實有初鮮終從此星羅棋布處處有絃誦之聲目染耳濡人人親詩書之澤行之既久禮義足以化稚魯習之既深學問即以變氣質不特可造之俊士有所淬勵以觀成抑且難易之夷風皆

胥

可漸摩而習化

聖朝樂育之深仁憲臺訓行之至教必且永永無極

段

矣所有原設新設各義學館師姓名田畝坐落坵條糧租息等項相應備造簡明清冊詳請憲臺查核其捐銀新置之產行令作速置買另冊報核至駁查未覆之二十二屬俟復到另請造報如現已設有義學之州縣尚有應行添設者亦令隨時續設另文報查暫就廡觀之學舍亦令陸續建造是否有當相應詳請憲臺批示



遵行

廣南府誌卷四

文藝

八



蓮城書院議

乾隆四十六年知府

單光圖

黎源

竊照人才風俗相為表裏欲使俗之一其趨必先使士之正其學廣郡建立蓮城書院前人議就學宮內令諸生附近肄業便教官兼治掌教事法良善已庚子春余自楚雄調守茲土准前任議書院山長仍令教授蔡掌之歲給修脯銀壹百貳拾兩係府縣與土巡土州公捐既已踵而行之俾教者得盡心以教而學者亦知盡心以學固其宜也雖然教固難而學更難今之所

廣南府誌卷四

文藝

九

學制藝而已顧俗儒記誦詞章急功近名無益之學也飭於躬情於鄉敦孝弟而能文章斯為可貴恭逢

文教尊敷之世我

皇上特諭士子以清真雅正為宗凡代聖賢立言能體聖賢之心斯可求為聖賢之人耳廣郡雖屬邊徼然諸生循循規矩非無可造之才望爭自濯磨毋甘自暴棄行見人才輩出而風俗愈醇謂非官斯土者之厚幸與至於樂育之澤久而



不忘訓迪之方久而靡倦則又在因書院之建  
立踵事而加詳者

廣南府誌卷四

文藝

十



創建廣南府學碑記康熙八年知府茹儀鳳

聖人之道非學校無以明而學校之設視王化  
為遠邇王化所及教即隨之原未嘗以夷夏為  
限滇南一省古百濮之遺自漢通中國唐宋羈  
縻弗絕元明雖盡入版圖然或時阻聲教故其  
缺畧每待後人修舉若廣南所轄之地則從宗  
皇祐間狄安撫奪岷嶠追儂智高至科巖即  
設治所為特摩道藩維腹地其來久矣非元明  
而始臣服也何以他郡復起者皆得設學敷教

廣南府誌卷四 文藝 記

十一

# 獨

而廣南獨未蒙洙泗之澤豈儂沙各族椎髻羶  
裘侏儒困蠢甲於他郡果不可以化誨陶淑耶  
鳳甲申歲調守是邦其民雖樸魯而偶有怨隙  
即干戈相尋報復不已蓋其所見者皆滅理亂  
常之事絕不聞孝弟忠信為何物故至此耳聞  
於公餘召耆老而諮詢典故及風土所當因革  
之事咸茫然相向且曰小民之解漢語稍稍能  
後無聞亦可異也至於材木磚瓦之需多解諸  
囊即採辦興築之役亦不肯派之乎眾心力未



免俱瘁其餘制作尚媿弗遑聊示草創規模徐  
圖踵事增華可乎他日守斯土者治益興起使  
干戈為禮讓樸魯為秀良人事氣化文字以升  
未必不於設學明倫今日之草創基之也是所  
俟夫後之君子

廣南府誌卷四

文藝



允

重建廣南學宮碑記雍正四年

知府潘允敏

從來天地生人無不畀以倫常之理物則之恒而所謂忠孝廉節正直公平固自有生而俱來無分乎彝夏無間乎古今也或有氣質不齊習染所累以至拂情悖理自絕於天而不可治惟聖人者出為之躬行化導著為典謨以救民於隳溺之餘而大道於以常存人心類以不死此吾

至聖先師之德澤所以遍天下而不僅在一隅垂萬  
廣南府誌卷四 文藝 十三

陋

世而非徒在旦夕堯舜禹湯文武皆莫能並自古君天下者莫不尊禮師事之而遐陋僻壤咸建學崇祀春秋勿替也滇之廣南素洎彝蠻漢唐以來不遵禮教  
本朝康熙二年始仍明制而列為郡後又以吳逆之變叛服無常康熙二十二年得以臣順無悖志故一切城郭宮室規模制度均未之講歲癸卯允敏以詞臣奉

今天子命來守茲土至之日謁學宮行釋菜禮毋



保

論禮器法物多缺略即門廡櫺檻亦皆未備趨  
顧師儒而愀然曰為治之要莫大於正風俗而  
風俗之正又在於興學校孝悌之義不講則背  
逆日生禮讓之風不明則爭奪日起義利是非  
之辨不晰則廉恥不立而貪殘日甚是學宮非  
徒陳俎豆習拜跪而已原以覺斯民而立之道  
俾秀頑象庶咸知重節廉崇禮義改邪從正醒  
愚蒙而鼓良善其教最嚴其地最重誠有不容  
苟且視之者今學宮荒率如此毋怪乎彝偶梟

廣南府誌卷四 文藝

十四

鏡日起於劫殺利慾而不知有尊卑親長之誼  
廉恥退讓之風直其徒視此地為飾觀瞻行祭  
祀之具文也亟召叅幕謀所以振興而經理之  
苦地瘠材用無所出而又以衆志未孚不欲捐  
募物力爰悉薪俸擇吉鳩工經歷教授及富州  
牧共贊成之即令經歷董其成於雍正二年正  
月興工雍正四年四月工始竣兩廡各三間大  
成門三間名宦鄉賢祠各三間忠孝祠三間節  
義祠三間櫺星門一座迴迴繚垣計九十五丈



不能輪奐魏我極乎尊崇之義而經制為粗備  
每於朔望集師儒者士虔祀階下遂相與講明  
孝弟禮讓義利是非之說使天地生人之理與  
之所<sup>三</sup>以誘掖防閑者誠不可以斯須去也即棘  
婦孺<sup>三</sup>僮亦共覩聖人教化原非虛設而學宮面  
如此其鄭重也風俗之漸有不相率而共底於  
淳樸者哉至於踵事增華備物盡志是固不能  
無望於後起者



文昌宮碑記道光二年

知府何愚平樂

嘉慶七年壬戌奉

勅准直省府州縣建立

文昌宮春秋二季祭用太牢禮肅三獻崎嶇盛矣

攷記載

神上直參宿有忠良孝謹之象詩所謂張仲孝友者是又謂

文昌星主賞功進爵自唐宋以科目取士士奉之

尤謹往往有驗故今世咸家祝而戶祀焉

廣南府誌卷四 文藝

十一

命下之日適洽人心之所不言而同然者一時溥海

內外大而通都劇邑小而水溪山隅凡鄉有學

村有塾咸相率增修廟宇虔備牲牲慶

文運之光昌頌

休明之嘉會廣南地圉邊隅人無遠志向來祭祀

皆攝事於他所猶復藉滋訟訴予甚惜焉今幸

守此多年士民恒諒其無他者不及身集眾力

建專祠以副  
聖天子之休命後之人將無以圖厥功如是先期詢



輒

廣南府誌卷四 文藝

訪郡人士之殷實者折柬而讌之於堂而告之  
以意兩日之內簽輸銀三千有奇非無傲狠慳  
吝難與言者不過一人耳坐次土丞族人儂  
世能儂慶貴作而言曰生祖遺地一區界土丞  
署左白馬廟右願以建祠可乎予未及諾環坐  
謹然曰有是哉是衆所心期默禱而不敢必得  
者也因競稱其地之高明爽塏墟一方之勝或  
謂某氏居之不一而不敢居或謂某某居之  
二三年輒遷避或謂祥光夜現於山阿又謂赤

慶

脈隱藏於地底今得此永奠

神居振我文風吳故於後撰聯云地留福壤育英

才蓋<sup>記</sup>實也議既成乃選擇士之謹厚者董司

其事芟蒺藜除瓦礫平其不平中構正殿後創

奉先祠前建魁閣經始於嘉慶庚辰迄冬落成

於道光辛巳孟秋甫閱月二王生舉於鄉次榜

而胡李二生復獲雋為從來所未有郡人莫不

神

神之昭佑歡欣鼓舞咸謂科甲崢嶸冠冕萃興基



坊

諸此矣是役也木石磚瓦灰釘髹漆皆準市給  
值梓人坊者擔夫築作亦視<sup>日</sup>受傭故費無虛  
糜而人樂趨事合之建書院綜計銀三千二百  
兩至於規畫佈置斟酌修飾委之予友道州徐  
瑞臨為其能不辭勞瘁不避嫌怨也綜銀錢則  
郡人嚴誠胡萬齡購材木則代辦<sup>土</sup>丞儂兆梅  
督工匠則郡人張淳張文龍王志章王德明谷  
伯榮王瑤唐宗諤皆能實心襄事朝夕勤勞用  
備書之以彰厥美併鐫捐貲姓名於後是為記

廣南府誌卷四

文藝

十八

丙子科舉人戴

清校刊



培風書院記道光二年

知府何

愚平樂

城東偏舊有蓮峯書院前人建置非無厚望於學校也自一二不肖踞而營其私而書院事遂不可問故數十年來科目無聞焉癸酉春予移守斯土綜核勾稽清釐整飭得還舊觀又復率屬捐廉俸備修脯延明師課生徒今屢科賢書疊報非其效與第院中屋宇散漫學舍鮮少在當日因陋就簡不得不爾比來奮志於學者眾擔簦負笈將不能容矣庚辰歲議建

廣南府誌卷四 文藝

十九

啟

文昌宮得儂氏地既喜其高爽寬敞又計眾所捐資亦不薄因思出入有節調度有才似可並創書院於其側俾生童之肄業者萃處近

文昌宮斗凜然於旦夕照臨周心日益檢業日益勵或摩鈍士子之一道也問以意語諸司事諸生愈日公培植文風為惠滂薄籌畫周浹非生等所及謹惟命是聽如是量度地面分而為二取古人尚右之義以建

蓋

文昌宮而以左手地建書院中為講堂上蓋書



顏以雲外香樓仍取桂香意也後築精廬三間  
為山長之居講堂前後左右列學舍共十四間  
燈牕芸案排比相望師友論文聲歎可接陳地  
置庖廚溷厠畢備大門三間兩旁設寮房俾官  
員祭祀有所憩息中仍護以牆垣防兵役闖入  
也工既竣進衣冠之士相與落成而告之曰士  
之以科目重也久矣雖然士之重果專係科目  
哉諸君子倘能抗懷於科目之上理學名儒孝  
友忠義史不絕書甚盛事也而予之歷歲彌年

廣南府誌卷四 文藝

所亟亟經營一切者實為科目之為非無說也  
念此地土瘠人貧輕名重利罔知自振誠人人  
懸一科目以策其身以訓其子孫則不肖之心  
以有所冀於前而不敢萌非道非義之途以有  
所怵於後而不敢蹈也試觀近日之士習人心  
與太守下事視學之日蠶凌詬誶不有異乎聞  
士相與語曰微大夫教吾儕不知復為何人噫  
斯語也太守何敢當然無負於爾多士可師何  
也繼自今諸君子自愛自重長如與太守共事



之日何慮料目不信徒於今日即倘有視書院  
為利窟如蓮華書院之所為者是負太守也是  
吾學之罪人闔郡之至不肖也既以告諸生因  
並勒之石以垂後而為之記



廣南府城隍顯靈碑記

知府何

愚平樂

天下郡邑設守令以治民事必崇祀

城隍神以理幽事凡世人陰德隱惡守令弗及知

神皆得簿錄之見於載籍者不一人不讀書豈見

餽

寡聞肆無忌憚故弗信耳府有小楊者少失

父母常服勞於武生傅興榮家藉以餽日後傭

工於匠人師姓帮拾磚擔土之役一日為馮氏

築室拆舊墻得藏鏹師與楊分而有之小楊攜

入城投傅興榮白其情傅欣然喜為營運意甚

二十二

券

善也數日後借事遣小楊奔走各寨中自二月

至十月始得息踵小楊向理前銀傅忽怒日汝

一孤貧饑僮烏有銀請出券權子母小楊年幼

無知初付托時未念及此傅隨以楊憑空訛詐

逐出小楊含冤控於縣弗得伸傅猶啖婦女披

髮戴紙錢沿街拜訴若實被小楊妄誣者行道

之人咸鄙而笑之第兩造未赴府懇雖其情可

惡其事難以辭服予因錄所聞牒請於

城隍神文內有鬼附其身使彼自言其事之語詎料



不數日傅興榮率其老少婦女逐毆小楊至於  
府轅予聞而嘆曰

城隍神顯靈矣傅興榮豈不知青衿滋事有干褫革  
乃敢猖獗到此非鬼奪其魄乎因即日據情詳  
革又數日小楊情急欲刺及於傅興榮寤寐中  
若被公差引去如官府堂皇者小楊不敢仰視  
上座者諭曰爾毋短見爾失銀日內即得還吾  
已為爾處分矣言竟叱之去小楊夢醒始知非  
官府也而傅興榮家居則日詈妻孥不應爾怨

廣南府誌卷四文藝

二十三

自 作此負心事致伊一身受索命之苦終日謔語  
如瘋顛因而家人惶恐浼親友集會館婉致小  
楊愿還銀若干以寢其事小楊語自其口出傅  
興榮語得自人言嗚乎

據 城隍神之威靈顯赫為何如哉或謂鬼神附身事公  
未見也予曰不然夫傅興榮欺詐取財業已經  
年無字據可憑無原贓可証且也鬼不見誅官  
不見理迹其肆情遂志牢不可破之心雖三尺  
在前五刑在後豈能回移其辭卒之不顧入手



之財不顧閭城之笑甘心喪氣和盤托出非冥  
冥中為之顛倒播弄誰能拘轉其心撇開其口  
使之自言自語耶况小楊

神猶諭之豈反捨傳興榮而不示之以威乎嗚呼  
城隍神之威靈顯赫為如何哉觀乎此則凡沒大理

昧良心者皆有

神明鑒察亦當恍然悟惕然懼也予必書其事而  
泐諸石者所以表彰靈異酬進牒時之愿心也  
而詞不必文語不妨俗者使婦人孺子以及廝

廣南府誌卷四

文藝

二十四

役扈養不讀書人一見皆易於曉解也謹盥手  
而為之記



送高姬入祀節孝祠記

知府 何愚 平樂

聖朝褒忠重孝獎賢良旌節義凡直者郡邑賢遐荒  
僻壤有匹夫匹婦能盡孝於家全節於室者皆  
得視名宦鄉賢設主而祭於其鄉典至重也廣  
南誌載節孝寥寥非無人也以無記載人也  
以予所聞傅公應奎側室高姬殉節事甚奇因  
詢老吏呈案牘悉姬事甚詳姬為陝西三原縣  
民高某女傅公先尹韓城置為遺室公以治行  
卓異擢授雲南石屏州牧乾隆五十九年檄護

廣南府誌卷四 文藝

二十五

承

顛

人

府篆時姬侍公八九年矣公素患痰喘疾姬承  
順左右潔饘饍奉湯藥弗怠弗懈迨公病沉篤  
姬顛天祈禱割股和湯以進易養之日凡附身  
附棺啗殮之具姬皆手自預辦稱情中禮人咸  
以為賢顧姬以所天事畢哀號感痛水漿不入  
口雖臧獲輩亦知姬志決矣閱三晝夜防守偶  
踈寂寂人定初姬遂投繯以殞寶寧令得信往  
視姬深衣縞素密密縫紉首懸白練猶面向靈  
牀作長跪狀左臍膺有翦痕血污模糊撥視砌



到

下傾瀉餘藥一塊肉宛在衆始驚愕傷悼賢寧  
縣前詳可按也嗟乎割肝剖股道非中庸聖人  
弗貴然以孝義節烈激於一時豈不足以振頹  
風而式末俗哉當時據情請

旌格

於成例未蒙題奏余來守此土相距已二十餘  
年歎姬備小星明大義始而割股繼而捐生從  
容慷慨志定神怡顧不獲荷表揚於一死之日  
又不獲安游魂於百年之後非守土者之過歟  
郡治向無節孝祠因商之諸生得書院外地舊

廣南府誌卷四 文藝

二十六

宇數楹脩葺聖壇煥然如新顏以題額迺諏吉  
日具香楮陳旌蓋備鼓吹先奉姬木主於致命  
之室肅拜致告然後迎送入祠是日觀者如堵  
墻莫不嘖嘖感歎歡呼稱為盛事復以郡人之  
節孝載在乘誌者俱附於龕俾每歲春秋一體  
祭祀今而後郡之婦人女子應曉然於節孝之  
當脩而姬之貞魂烈魄亦欣然長逝而無遺憾  
也已爰闡幽光以垂不朽謹搦筆而為之記



蓮峰書院田房記 嘉慶二十二年知府 何愚 平樂

國朝恩敷四海無有遠邇建官設學故廣南舊  
雖土府至今龍衣冠習詩書者彬彬濟濟復建  
立書院俾郡人之秀者羣聚萃處於其中延碩  
學名儒為之師而訓導之好善之士從而捐置  
田宅使得取其租之所入供先生之修脯脩弟  
子之焚膏內顧無憂各得潛心淬志於學業誼  
至美而法至善也予<sup>下</sup>車伊始集諸生於講堂  
欲以覘諸生器識文藝而稽前人之教授條規

廣南府誌卷四 文藝

歷辨 薄

庶昧然從事者得以恪守而力行之詎諸生有  
以歷年財利之說諱辨於一堂者予心焉傷之  
曰此固疇昔司事之不慎而亦守與令之鄙薄  
邊士漠不關心以致此也既往不咎願及予身  
而釐正之夫書院非利藪也使不得其人以司  
出納則難言矣使歲出歲入不有簿籍以記之  
亦紛漫不經心則更難言矣諸生訟前司事之不  
慎非坐無章程之故哉諸生曰唯唯爰退而訪  
得貢生潘定衡原生戴疑生員胡萬齡柴青雲



試

膏

廣南府誌卷四

文藝

二十八

四人而委之司事四人退讓再三子笑謂之曰  
 畏他日口舌耶今而後凡書院租息訂為一冊  
 於所入所出之數分毫必記除書院延師課士  
 各款並脩補黌宮鄉試卷費外餘不得指事支  
 銷歲終造冊送府查核予知四君端謹士所必  
 籍者將以杜夫怨與嫉者之口且以貽後人得  
 所法守耳及予自京旋滇復清出小廣南乃佃  
 隱佔唐姓捐入書院田畝一案蓋自人心日偷  
 無所不有浸假數十年後書院膏火之費其  
 能存者有幾因復令司事臚列書院田房而鐫  
 諸石不獨吾學中得所考據不虞就湮即樂輸  
 姓氏亦附是以永永俱傳諸生咸以為直而請  
 記於予故為之記不以文而以實



翠嶺屏風記

舉人王佩瑋郡人

滇山皆從龍盤亘地勢然也自連城至西洋江  
漸有如覆鐘者如逆笋者參差羅列心目為之  
一開再行百餘里則石峯嶙峋屹立於州治東  
南直插雲表仰而望之渺不知其由旬遠而  
視之疑大開一幅屏幃色有似孔雀翡翠者為  
樹木色與為山石色與日光映射金碧炫耀難  
辨也故得翠嶺屏風名嶺脚為土富州解左右  
瓦屋茅舍民夷雜居商農雜處當夫春色明媚

廣南府誌卷四 文藝

二十九

樹鹿

日麗晴烘好鳥巧弄於林間珍禽嬌轉於木末  
此唱彼和非獨砧茲俗耳柳亦觸我吟懷若夫  
星月皎潔霜露淒清猿啼鶴唳麀鹿宵鳴羈人  
旅客能不輾轉不寐入耳傷情也哉余偶過富  
州主人留作十日飲間與其羣從散步山前後  
見壁立萬仞莫可攀躋因詢土人得鳥道從左  
麓披榛附藤而上倩彼地人挽於前推於後曲  
折登陟約數十里小憩數十次始至其巔因憶  
司馬溫公登山有道徐行則不困語乃歎曰快



哉遊也其上皆平壤可畊可蒔其民編茅而居  
見余輩爭來留宿欣然具雞黍其夷語啁啾同  
行者能辨之次日陰晦山頭四顧莫不知東西  
南北仍循原路而歸居停以為迷途不知宿何  
所矣見面詢之莫不大駭余因語之曰郡伯詠  
翠嶺屏風有登臨除是附神仙之句余今竟作  
神仙一度歸可以誇於郡伯矣因狂笑記之



豐年洞記

舉人戴清郡人

步出城東十餘里路忽坦夷忽坡陀忽曲折經  
 行田塍上又踰溪澗始抵豐年洞高廣約十  
 丈地皆沙石仰望如倒垂猪羊形如駱駝獅子  
 狀差堪賞玩再入則黑暗窄狹石磴高下崎嶇  
 非火籠照耀作蛇行不能前盡處復寬澗下有  
 潭極深水清澈對面一穴透漏天光水從穴瀉  
 出不知何處惟聞砰磅訇磕聲疑~~因~~為長江大  
 也太守何公祈雨於此使人深入請水出而道

廣南府誌卷四 文藝

三十一

其狀固知為龍神窟穴洞在荒服昔為野人遊  
 女幽會之所土人呼為風流洞後經太守以其  
 名不雅訓更曰豐年洞鑄諸石已非夷風矣  
 近則禱雨屢著靈感庇及三農居然為吾郡之  
 望焉余曾讀柳子厚黃溪記茅鹿門謂天地內  
 不特遺才不得試併有名山絕壑而不得自炫  
 於騷人墨客之文者曷可勝道余於豐年洞亦  
 云因記之以寄慨



靈雨亭記

舉人胡慶元郡人

遙望東南半壁山勢截峯龍從磅礴綿緲界在  
蠻夷徒供樵夫牧豎取採無有舉其名者嘉慶  
丙子夏旱甚太守何公祈禱殆徧卒不得雨因  
思曰名山大川實興雲雨東南一帶山勢巍我  
豐年洞幽深焉知非山靈攸居神龍攸宅也於  
是率同城文武紳士涓潔拜倒山下請水洞中  
踰日山前後雲霧瀰漫澍雨霽滯是歲滇南各  
郡奇荒燭廣南大熟郡人士感頌公公曰山之

廣南府誌卷四 文藝

三十一

靈也吾何與焉非所謂歸功太守太守不有者  
耶因山本無名隨名為靈雨山自山脚至山腰  
翠微處約高數十丈洞穴深邃視豐年洞稍隘  
旁有路可通公乃塑龍神山神像設龕而祀之  
土目儂應祥等仰體公意輓運木瓦構亭於其  
前公因顏曰靈雨亭以答神貺公守廣南最久  
偶遇亢旱祈禱無不應每歲嘉平必封羊屠豕  
登陟而報賽焉年來山下左右數十里寨民  
跡雖酒求福禱病匍匐而跪拜亭下者日絡繹



不絕非風行草偃之象歟公聞之日吾止為祈  
雨計此則非吾所知也然亦不必作道學家語  
而禁之也慶元以侍坐得聆公論又喜為吾郡  
表茲靈境也故樂而為之記

廣南府誌卷四

文藝

三十三



重修東嶽廟記

乾  
隆  
八  
年

知府 蔣 衡

郡城東郊舊有

東嶽廟

神素以靈顯聞**凡**瘴癘疾疫陰陽風雨有禱輒應

郡中人遑遑奔走賽祀焉第夷俗褊陋僅築野

殿之間孤蹲榛莽甚非所以肅觀瞻答神貺也

前太守普安方公捐資增進大門三楹會疾卒

未竣工故事迎**春**東郊太守帥僚屬具土牛載

青旗羣於廟集癸酉春余循例將事見殿南屋

廣南府誌卷四 文藝

三十四

**寶**

宇雖創而門櫺未設樽楹半歛竊慨然愴方公

之志未竟也爰商之**寶**寧馬君有基弗可壞也

前功胡可棄也脩殿舉墜守土之職也而况靈

爽昭昭又為令典舉行地乎遂首先捐倡鳩工

庀材大門而外益以東西兩廡各二楹周遭繚

以墻垣其間缺畧浸漶剝蝕者悉增新之雖規

模亦加式廓而儼然有門有庭有殿有翼整肅

清嚴森然法界庶可以妥侑神明而惠我蒼黎

告我方公矣廟故有住持供俸香火余懼其久



齋

而弗繼也又為之置田里俾資養贍永慎典司  
是役肇於癸酉仲春迄孟夏畢維時董其事者  
參軍蔣君允燾贊厥成者土丞儂君振齋也廟  
成尉定遠數請章記之爰述修舉之由而貞諸  
石其他捐助姓氏田里界址則並載於陰

廣南府誌卷四

文藝

三十五



重建西洋江樂安橋碑記乾隆二十一年

蔣衡

郡當滇粵通道西洋一江其天塹也江距郡南  
百里源出自板郎速部沐王三川匯而成巨津  
盤旋郡境下流合於粵西之右江每夏洎秋雨  
霽漲急波濤湮<sup>明</sup>湮不可渡兼地苦炎鬱瘴煙  
時起需渡者日暮途遠而舟小難容幾不免望  
洋嘆矣雍正六年太傅西林相國總制滇黔兼  
東西粵省道路之艱辛憫邊氓之病涉始開鑿  
此途特建橋一座以便往來但置基之所適當

廣南府誌卷四 文藝

三十六

水勢衝激之地旋即漂沒迄今斷磯殘磴猶星  
星浮沉於蒼茫煙水間而居民過客之出入尚  
時時指示相與稱頌之弗衰乾隆十有七年歲  
壬申秋九月余奉大憲調移茲郡自維譴陋不  
逮前賢遠甚而於民間疾苦地方利弊以及一  
切應行修舉事用敢急荒期以不負職者不負

樂

國也先是抵任日適奉

恩詔凡橋梁道路所在有司各以時修舉故自城垣

學宮及祠廟壇壝之有闕祀典者率僚屬各捐



葺

資次第葺治靡不竭力亟為經理也創議日或  
且工浩費繁僻在邊隅瘁難集事告余獨以為  
否否事難經始易與觀成亦存乎人之志耳我  
朝定鼎百年重熙累洽凡在山陬海濱梯航恐後  
廣郡雖極邊末而路屬通植商旅還至而使一  
江為中衝梗可乎塗無輿梁政之弛也民嬰瘡  
痛道暵時聞斯亦守土者之耻也其興役便爰  
親詣江干營度形勢咸云仍舊基則覆轍堪虞  
運舊石補新工則挽運轉艱乃去舊基約一里

廣南府誌卷四

文藝

三十七

暨

測水勢之平緩度山形之延屬者先立表以定  
位兼就岸之左右籌山之多骨者為採石地行  
不二里許則有竹樹叢茸嶙峋峭骨臨江倚大  
而壁立者余顧而竊喜此天之位置默相我成  
事也遂<sup>謝</sup>吉祭告山川而鳩工肇役焉役興余  
先捐俸倡並邀僚屬紳士等各量力出資專  
其責於儂丞振商俾董厥成率皆踴躍樂從無  
難色一時畚揭咸侍鋤鑿皆興鏗鏗登登噓與  
上下悅與激湍飛瀑相應始於乾隆十有九年



四月訖於次年十月凡十有九月而竣余喜其  
應候落成也因往觀焉橋長八丈許寬四丈高  
四丈許下設環洞三墩位四壘石以萬計工倍  
之前後需費共二千五百餘緡此皆賴襄事諸  
公暨各士民相與有成其爵里姓氏另碣詳鐫  
余弗敢掠美也從此長虹遠跨駭浪不驚瘴雨  
清炎颺遠俾遙天遠岸拾級如磨康衢上以昭  
王會車書一統之盛下以繼前賢康濟未竟之心不  
亦休乎橋兩岸樹坊以旌者地自宋入中國為

廣南府誌卷四 文藝

特磨道隸邕州也橋名樂安者余族姓故出樂  
安郡而茲橋時創於余誌所始也且願商民  
涉足於是者羣樂其業而安焉爰為之記



重開城內古觀音塘碑記 署知府 宋 湘嘉應

余於嘉慶十九年八月自曲靖來署廣南府事  
既與民議興水利城外開古勞古蚌兩塘築法  
達魁額那昌三壩有成說矣郡學弟子員周國  
燦等來請開復古觀音塘其說曰城有二塘西  
曰古浮寬而淤猶可為也東曰觀音狹而更淤  
不可為也城中煙火萬戶滴水如金曲突徒薪  
猶有爛額稍或不戒誰挽天河昔年往事言之  
動心民愁水淺公其如何今方思引江湖而陸

廣南府誌卷四 文藝

注沃磽确為膏腴古人用心實先我勞豈伊舊  
制聽其堙廢即屬練達董厥丁男工鳩材庀計  
日而竣凡復舊址東堙十六丈西堙十三丈南  
北堙各二十二丈圍七十二丈心二十丈凡用  
夫若干石工若干車椿若干根或以其財或以  
其力惟民之從胥隸不干瓜棚豆架罔不除也  
民自除也豚栅牛窠罔不去也民自去也隄式  
廓矣水深廣矣桃柳植矣魚游泳矣民樂愷矣  
無鬱攸矣余方欲構一茅亭賦詩其上而未暇

字



也士民來乞記書以應之

廣南府誌卷四  
文藝

四十一



捐達法白西濟石橋

記道先

署知

蕭炳椿

昔孟子論為政在徒杠輿梁之成原為民之病  
 涉也茲郡城之西法白地方為通省小路有河  
 橫互其間因路便捷士庶爭趨每至水漲之時  
 木橋傾圯行人深屬淺揭歲或溺斃人至數<sup>+</sup>反  
 人不等以一郡共赴之途而每歲時聞陷溺之  
 事為政者能無惻然則徒杠輿梁蓋先事之為  
 備乎予與諸同寮義切已溺思利周行緣集郡  
 中士民為醵金之舉赴津石橋一時慷慨好義  
 者踴躍勦事得若干金庇材鳩工適觀厥成今  
 而後康莊可履滅頂無聞夫豈一朝一夕之利  
 哉至該處係屬僻徑向無夫馬供應所有來往  
 官差由斯道者不得開端擾累致使康衢為畏  
 途因並勒石以示久遠橋成名之曰西濟亦免  
 病涉之譏云耳

廣南府誌卷四 文藝



萬壽宮告成恭序 嘉慶二十四年知府何愚平樂

額

人生大節無逾忠孝世人皆知盡心竭力於所  
生為孝每謂庶人微賤君門萬里呼籲不聞雖  
有懷忠効順之心亦無由自達不知孝弟力田  
納賦應役甚至安奉分遠刑章無非忠之屬也  
直省郡邑建立

萬壽宮固以守令官僚去京自遠有其地得以時瞻  
拜如覲 闕庭而凜

廣南府誌卷四

文藝

序

四十二

大威於咫尺未嘗不借傲縱恣驕伏泄泄習習之習  
以忠於所事凡厥庶民亦憬然於

大監不遠奉公守法謹身無過亦所以教忠也廣南  
為夷地元明代率聽土司世治其民

國朝始設流官建學宮立學校雖狃獠之俗椎魯

之氓莫不飾冠帶誦詩書興禮樂故今祀典所

載壇墀殿宇皆已如

制輝煌宏敞即書院義館招提蘭若亦脩葺整齊

可觀惟元旦冬至

葺



聖節文武官

朝賀未有專官借他地拜祝於臣子之心耿耿有  
難安者愚蒞任後有意營造而視力微薄瘠區  
又難勸捐積年因循實所疚心嘉慶丙子歲暑  
寶寧縣李培英交代清出開款銀陸百兩請措  
置於予因進士丞儂世熙而告之以意世熙歡  
忻激發作而對曰土官世受  
國恩生長僻陋從未聞長官訓誨及此今曠若發  
矇請如命付土官集其事愚嘉其意具文通詳

廣南府誌卷四

文藝

四十三

大吏舉六百金畀之丁丑之春正度地興工適  
值臨安逆匪滋事奉調土練赴剿儂世熙懇切  
請行不料以憂鬱卒於軍其事稍寢世熙之母  
沈氏賢明婦人也經年慟定諭其土目曰太守  
以建

萬壽宮事委吾家今世熙不幸太守固不忍督催爾  
等得不啻啻以成其事於是伐木於山取石於  
巖庀匠集夫一呼而寨民子來先是儂世熙擇  
地築基過寬濶地又底窪只得畚土夯築堅實



第二頁

錯一字

三 四 七 九 十一 十三 十四 十五 十七 十八 十九 二十二 二十五 二十六 二十七 三十一 三十一 三十二 三十七 三十九 四十二 四十三 四十四 四十四 四十九 五十六 五十七 五十八 六十一 六十二 六十三

一 一 三 二 一 一 二 一 二 一 一 二 一 一 二 二 二 一 一 一

二字不明

一字不明

一字不明

二字不明





六十五  
七十七  
七十  
七十二  
七十七  
七十五  
七十七  
八十  
八十二

錯一字

— 二 二 二 二 一 二 二  
— 二 二 二 二 二 二 二  
— 二 二 二 二 二 二 二

共錯六十八字



拱

培高一丈建造六角崇閣轟插雲表黃瓦朱楹

雕畫拱望而知為

萬壽宮也餘地皆培高五六尺外開東西便門中間  
穿堂廊房為文武官待漏立班之所畢備弓崇  
博敞冠冕堂皇周圍紅牆繚繞是舉也費用六  
千餘金半出募民之力愚初不料上官夷民感  
奮踴躍至此也猗歟盛矣落成之日恭逢我  
皇上六旬萬壽誕辰愚例得偕同官慶祝而鋪張爛  
雲霞華燈炫星月雖不克媲美輦轂之下而愚

廣南府誌卷四

文藝

四十四

輸

亦不敢因陋就簡吝私財而失觀瞻故垂白之  
叟提攜之童以及深山窮谷艾男葉女莫不摩  
肩擁背氣喘汗流奔走偕來五體投地抃舞歡  
欣其情亦大可見矣夫夷人獷悍難馴乃出征  
則賈勇爭先應役則輸財恐後非儂世熙父子  
兄弟遜濡

聖澤恭順素著糾厲有方安能使夷人竭忠嚮義如  
此哉謹稽首頓首而為之序



改建城隍廟序

道光二年

知府

梁金詔會稽

城隍

廟舊建於府署之東其初建之年月不可攷矣

前署寶寧令李君景岡精堪輿術謂神以理幽者也廟在東方位未協力言於前署守王公若山請別營建王公曰昔宋公正濟守此創議未行余亦有志未逮君言及此是神之默相不可緩也因捐廉以為之倡景岡極意營度於城之西偏得黃姓地規模宏敞地脈豐隆爰鳩工庀材延矜士之老成敬謹者董司其事而閭郡之

廣南

府誌卷四

文藝

四十五

紳耆士庶咸景岡改建之誠將以為民祈福也咸出資以為之助越二載廟告成焉余來守是邦董事諸君為陳顛末並請序於余余素不能文又未獲襄茲善舉亦何所言雖然神以理幽者也其位不得則其靈不昭而能正神之位耀神之靈者功德固未可泯然則李君之創建王公之創捐與夫董事諸君之敬謹規畫合郡人



狄武襄廟碑記 道光七年 署知府 翁祖烈 福建

曩余讀宋史考狄武襄平儂智高始末竊嘆平  
蠻之功足以繼烈於武侯也迨捧檄來滇遍稽  
往跡所至郡邑多崇奉武侯而武襄獨無祠焉  
丙午冬攝廣南郡篆廣南在宋隸邕州博訪父  
老尚有能談故事者與宋史所載合按宋史儂  
智高陷邕州進圖廣州仁宗憂之公慨然引以  
為任合兵督戰軍令嚴明先扼崑崙關麾騎連  
戰賊眾大潰儂智高縱火焚城而逃卒為大理

廣南府誌卷四 文藝

國所殺是賊之死於大理國無異死於公也當  
賊棄城時所獲有衣績金龍者眾謂為智高公  
曰安知其非詐邪吾寧失智高朝廷不可誣也  
於戲公之謀深矣公之氣壯矣公之丹心較然  
不欺者尤足以感風雷而貫日月自宋迄今歷  
數百載蠻象革心民受其賜雖不必求合武侯  
而其有造於是邦者至深且遠也千秋廟食何  
多讓焉顧郡無專祠始則奉位於明倫堂後繼  
又遷祀西關外之楊公廟後殿楊公諱文廣相



傳隨武襄征蠻至此者仿文武廟後殿之例究  
於體制未合會廟宇傾圮邑令李君勸捐重修  
爰議更定位次遷公於正殿而以楊公配焉時  
才鳩工庀材有售碑版者至郡適購獲宋皇祐  
四年平蠻三將碑紀述武襄之功甚詳豈非冥  
冥中有不謀而合者耶丙午十月十五日興工  
丁未五月二十八日落成郡人請記其畧余竊  
幸專祠之所以報公者不亞於武侯而益信平  
蠻之功足與武侯比烈也豈非所謂有功德于

民者則祀之之義歟楊公其亦所謂附驥尾而  
行益顯者歟是為記



民之踴躍集資又烏可無言以紀其畧也爰為  
之序

廣南府誌卷四

文藝

四十八



壽民陸康百十二歲詳請

題旌文

署知府李熙齡

竊維時逢

昌運鴻庥並集於寰區地處邊疆鮑叟幸登乎上壽

惟

帝恩常覘其浩蕩斯民命益見其延長茲查得壽民

貌

陸康氣稟淳和貌敦古樸習四民之本業獲五福之先徵身歷

三朝屈指不知甲子眼觀四代怡顏早弄孫曾不誇

廣南府誌卷四 文藝文

四十九

百歲日期頭更滿一星之數曾祝

萬年而稽首同居庶老之班遊適台乎鍾離壽已逾

乎羅結伏乞

奏陳人端定邀

北闕之殊榮從茲

寵賈

天恩永紀南蠻之佳話



四境山川祈雨文

知府何愚平樂

惟神德隆厚土

望重方隅

載物生財萬彙資其長養

興雲降雨百穀賴以繁昌茲者雨澤愆期禾苗就

稿陳祈既徧請禱無靈愚等德愧事

神術窮救旱燥燥危懼悄悄殷憂惟有匍匐

崇封籲呼

廣南府誌卷四 文藝

五十一

鉅鎮伏冀

毓靈孕霧灑甘霽於四郊

潤物滋生沛

恩膏於萬井人無苦夏歲以有秋謹疏



沛滂沱於旦暮起耕犁於田疇秋成有望民命有  
依謹告

廣南府誌卷四

文

五十一



龍潭取水祈雨文

知府何愚平樂

神尊居水府

福佑粒民

吸研水而沛甘膏

灑楊枝而成渥澤茲者稼當芒種鳥亦催耕町畦

閒

之雨澤之濡石田豈人力可壑農閒南畝雲密  
西郊愚等忝任邊隅深慙薄德念民生之攸寄  
仗

廣南府誌卷四 文藝

五十二

神力之普存敬叩

法宮請迎

聖水願

亦涓滴之恩即成

滂沱之恩慰我回民殖茲五穀尚希

元感默鑒丹誠謹告



謝雨文

知府何愚平樂

昨因雨澤愆期人心惶恐謹蠲潔設壇禱奔走  
羣望仰蒙

昭示顯應雲興霧冒電掣雷轟斬旱魃驅厲鬼風  
和雨潤

大沛滂沱士民商賈歡於市耕大饁婦慶於野文  
武官疚心忍恥依然竊祿於斯感荷

神貺詎有涯涘乎茲粗舉祀事何能荅報萬一耶  
愚等更有請者廣南山高土燥民力偷惰終歲

廣南府誌卷四 文藝

五十三

貪天之功以謂將受厥明非

甘霖疊沛繼繼承承無曠曠無傷靈豈足以彰  
神靈護佑哉禮有祈有報今報而復陳祈者為民

非為私也謹將牲醴酬謝

洪庥尚乞

降鑒以畀有杋尚

饗



禳災文道光四年

知府何愚平樂

維

神位重方隅

功崇保障

捍災禦患聰明正直謂之神

驅厲逐魔遠近幽深知其物共仰

威靈之赫有豈容鬼魅之為災乃以乖戾偶于

大地之和遂致疵癘漸傷人民之命愚等弭災無狀

特

廣南府誌卷四

文藝

五十四

神有靈爰達

醮壇虔求

黼座伏願

仁風惠露長教和氣之致祥

烈日嚴霜毋使游魂之為變

仗鉞鉞而誅疫癘

揚戈盾以斬妖邪



科巖馬跡辯

知府何愚平樂

廣南誌載八景一為科巖馬跡謂儂智高兵敗策馬躍巖今尚有跡按宋史仁宗皇祐四年廣源州蠻儂智高反命狄青討之又狄青本傳智高兵敗縱火焚城而遁為大理國所殺其母阿儂一弟二子檻送京師悉戮於市夫儂智高反賊也罪十誅討母子駢戮迹其兵敗奔逃思竄身窮谷草間求活殼觶形狀何堪覆述縱有逆跡豈能留豈當留豈可留哉余謂科巖馬跡當

廣南府誌卷四

文藝

辯

五十五

是狄武襄或帳下偏裨追逐智高不避巖峻嶺其忠勇之氣自足令飛馬踏石成痕如漢李廣射虎中石沒鏃之類當時蠻民倉猝自擊遂以為智高馬跡數百年來學士大夫亦無辯証明晰則異矣荒陬中書籍鮮少人士見聞僻陋舛謬無學寡識妄聽妄言豈獨一科巖馬跡哉



雲外香樓賦外以飄天香雲韻

舉人楊學周蒙自

瓦

樓高北斗雲爛南天闢重岡而結構壯萬里以  
迤迤碧瓦紅牆迥接月中丹桂綠窗朱戶平分  
嶺上青蓮置身百尺樓頭若蘭若蕙放眼四通  
郊外非霧非煙爽氣朝來鬢鬢口含雞舌好風  
晚送依稀霽佩龍涎溯岑樓之始創值鄉榜之

初張

恩覃俊乂歲紀道光爰培風而卜築遂擇日以披荒

乃立學舍乃建講堂樽櫺縱橫神明岷其特起

廣南府誌卷四 文藝

五十六

象

聖世之休徵百堵作而輝聯奎壁開邊域之盛事一

榜放而象濟文昌拾級而登挹芳馨於懷袖探

囊以取龍商彩於衣裳昭明之文選雖高豈焚

黼齊篤樽庾公之談詠自適誰熏迷迭都梁矧

茲地僻合是天香爾迺天瑞人瑞卿雲景雲拂

南榮而霏霏郁郁霏東觀而苾苾芬芬長笛一

聲吹散瑤階芳韻素書萬卷披開玉宇氤氳乍

疑廣寒宮中奇葩堆燦更憶大羅天上舞羽續



采

灑

廣南府誌卷四

文藝

五十七

紛倘道靈氣結成安得濃薰班馬浸殿露華零  
 落相將研點義文於焉蓄奇朋中振采彪外滴  
 八月之良宵幸千秋之嘉會捲幔則馥馥翻翻  
 鈎簾則掩掩謁謁豈其夢入華胥之國丹鍊金  
 爐或者神遊化人之域澤流冠蓋殊香異味今  
 夕自足歡娛賸馥殘膏後人猶堪沾丐珠英的  
 的金粟飄飄氣吸清虛坐翠微而躬邀蕭史精  
 餐沆灑窺碧落而手拍王喬莫不振衣於綺馥  
 躡履於苔藓探月窟摩烟霄身名俱泰科甲連

鑣是以詩題甫發樓額旋標明主司以之網羅  
 俊彥賢太守以之鼓舞英翹



來吉亭成復賦五言古一首以伸其意

知府何愚平樂

# 雁闔永惇

在昔沙儂裔荒怪各成俗華風日已開精饌飾  
廬屋雁戶編五方地不比心腹憶我下車時點  
首額頻蹙城闔村暮閒效攘矯度逐雞犬不得  
息休說永蚊毒自擊傷乃心何以慰惇獨火烈  
望則畏豺虎應殼棘將求四境安遑恤一家哭  
豈無蚩蚩氓兩造蝸角觸吾德謝龍黃鞭咎豈  
免辱乖崖嚴繩吏于公寬讞獄治道固多端人

廣南府誌卷四文藝

詩歌

五十八

情體要曲持此報

國恩其他殊碌碌至於此歲登陰陽無愆伏氣沴

氣消除邊徼風肅穆

聖世理之常功豈闕守牧詎期寡薄身輿頌騰山谷

土風一何厚情誼一何篤念我老好游西郊俄

小築落成值九秋欣逢書大熟有

詔出蓬瀛膝前慰故犢斯文震蔚興城中鷄薦續際

此興遙飛誰能倦遊躅折簡招賓朋客主恣眺

矚窗列萬山青檻映千林綠一詠復一觴何必



絲兼竹人生行樂耳安能日僕僕浸假恒於斯  
吾心固已足坐客來吉亭看我芙蓉驚風月談  
晨昏雨雪哦寒燠春聽柳梢鶯杳採籬東菊戀  
棧復奚辭無暇返初服客行前致詞題額意何  
屬或謂遠者來吉祥被水陸抑謂來憇者人人  
叶吉卜茲郡生益繁茲亭堅且樸年年自有亭  
歲歲自邀福仁言其利溥辭指劇含蓄主人再  
拜客諸願如尊祝  
賦來吉亭寄贈不園太守 通政使張鵬展 上林

廣南府誌卷四 文藝

五十九

佳士如時花含薰待春至善政如好風翕翕噓  
以意相與淡無跡淪浹惟一氣優游積歲月遂  
若有神異吾鄉不園翁大骨迥清粹洪流峙千  
尺玉立脩然寄燭餘愛士心竟類昌歆嗜公暇  
一燈青環對析奇字廣南及三載兩人登科記  
竟使嚴疆人仙桂等平地時和民樂康築亭娛  
君志不負平生懷珍重親風義南來一片雲  
章燦可示萬里見孤衷大末增送思  
來吉亭轉韻七言古一首 永平史 昂山陰



廣南半屬沙儂裔久漸華風消悍戾就中猶逞  
壞效疆我公詰奸除流弊萑苻蹟滅園扉空太  
守不伐誰歸功從來名士有游癖况乃心閒值  
大同礮啞想見西郊路中有一亭隔煙樹四山  
高挿青芙蓉賓佐從公日來去亭成正遇歲功  
美穎粟黃雲被千里更聞

典試宣

黃麻承

恩却是佳公子手持鐵網收珊瑚西甌那復有遺珠

廣南府誌卷四文藝

六一

萬選理趣點險怪劉幾紅勒者模糊郡中佳士  
復鷄薦虛白生亭數開宴擘窠大字書來吉君  
子勞謙歌既見古昔頌德咸歌詩今惟昉古攄  
新辭下筆煙雲滿素壁百篇欲問誰雄雌黃囊  
惜本居末坐猶幸詩筒許追和久不作詩已畏  
難况讀麗珠四百篇公寄五言韻竭來滇南十二  
秋山水往往陪公游斯亭那說本自觀新詩已  
覺龍眠羞公詩自有風雲護斯亭得公亦殊遇  
後有來者五百年摩杪蒼苔覓奇句



豐年洞歌

并序

舉人戴

清即人

郡東山巒重復下有洞穴俗呼為風流洞某  
太守顏以豐年而深公曰必遊覽至此遣人乘  
炬入視得潭潤而於此輒應縱巨龜沈虎頭年  
來偶值旱乾禱雨於此為神異建亭於翠微  
皆公祈雨法也郡人驚為雨亭云

城東郊外攢諸峯巒嵒岷峨重復重林木蒼蔚  
麋鹿宅惟見樵蘇牧豎蹠山脚洞裏泉澄澈何  
時曲蟠潛蛟龍此山此洞歲月古苗蠻惡俗何  
足數風流豐年轉<sup>喉</sup>間意示尊農賤情贏如今  
山水更昭靈字我府君福下土吾鄉土質燥且

廣南府誌卷四文藝

六十一

歲

浮歲早往往為公憂奔走羣望禮羣祀牲牲具  
舉圭璧投致雨興雲書龜背驚龍起蟄沉虎頭  
市人相顧笑迂腐回看風霧滿城樓斯時不獨  
令公喜士女歡呼遍問里嵌空靈雨一亭成豐  
樂千秋應媿美從茲受賜頌康年齊民祈禱踵  
接趾我適倦遊<sup>印</sup>征駉鄉人爭說異政三郡有  
靈跡思仰止山光水色舊曾諳神所憑依將在  
德君不見上有千尋之香龕下有百丈之踞潭  
題來吉亭集唐人句

舉人鞠養粹楚雄



承

山水開精舍陳子長吟野望時甫杜好風能自至  
 錢芳樹本多奇廬照嫩竹含新粉維王踈楊掛綠  
 起李謀猷歸哲匠維王謝有新詩祐李嘉  
 運銅過富州浙江知縣郭文鈺福建  
 土州承世職公辭啟層巔族調分全浙原沈土籍州  
 江官仍是備員山深苗構屋磴接客開厓板蚌  
 江流疾運銅麻龍卡岩堅界離交阯近壤與武  
 籠連賈舶來從粵郵程達自滇三花驅老馬燭  
 木泛輕船溪河窄狹皆豈有奇珍販多將上物

廣南府誌卷四 文藝

六十二

地

傳虎頭蘭似箭人面竹如椽竹皆似藥買千張  
 紙藥衣裝幾樹棉沿路多花豬當入饌穀大每  
 登造蛙穀也婦女溪頭浴樵蘇石背眠刀耕勞瘠  
 土粟飲樂豐年結網沙人慣擔薪孺子便夷獠  
 情癢痺夕哨氣炎燂哨土官轄奉檄穿雲嶠壽  
 銅入瘴烟來遊窮景物歸去富詩篇一體勤  
 王事休嗟地遠偏  
 皇姑墳詩并序  
 檢計 王思川 昆明  
 碑 余客廣南聞蓮花山麓有皇姑墳出探唯斷  
 碑 臥豐草中城之見丹書明桂端王府安化



塚

郡主之墓土人云明永明王妹也年十六未  
降隨王播還病卒葬此留守塚二戶今居木  
果後有主宮人猶藏主生時錦帳欲借觀不  
風摧樓榭春殘杯土香銷淚木乾直化蟬嘶  
歸故國肯分菱照覓新官烟霏野草金蠶寂瘴  
落蠻花石鏡寒惆悵瑤姬歸楚岫青青宿草碣

留丹

廣南懷古

詠秋武襄

浙江知縣

郭文鈞福建

當年慷慨請南征嶺表蠻氛指顧清三鼓奪關  
神莫測百錢祈廟事堪驚科巖尚記追奔蹟土

廣南府誌卷四

文藝

六十三

公

傳公追懷宋史頻書善用兵不是龐公能執議  
爭教行伍建勲名  
郡人於西郊築亭數椽以備遊觀因賦七律落  
成

六十歲翁從征久二千石祿荷

恩深未能善俗應惶悚縱有名山敢討率鴻爪豈期

留故迹黍苗難免望重陰不知頌我還規我小

築辛勤佐醉吟

從茲觴詠繼嚴疆此舉真成蟹有匡吾國舊亭



天繪改韓公老圃晚香長吁嗟地薄人情厚慙  
愧官閒士庶忙他日徐商身後計蓮花筆下是  
桐鄉

疊前韻二律

知府何愚平樂

老來時事難任一卧山城歲月深每慮偏規  
還錯紀休論枉尺欲伸尋郡人自有江和蔡晉  
書報章依舊繞梅吟  
漫把園林問辟疆停觴且訪說詩匡原知集腋

廣南府誌卷四

文藝

六十四

形吾短故作抽絲理象長白雪續紛官癖滿碧  
紗籠罩僕臺忙如何任性龍鍾叟又聽歌呼在

貴鄉

和來吉亭元韻

河南學政姚元之安徽

使君五馬出楊林嶽嶽西洋江水深搜粟願同  
張立道授經羞說異牟尋風生雙道回春暖日  
下山城帶夕陰誰謂彩雲飛不到官閒今作浪

仙吟

九霄龍雨劃分疆又見文星戴斗匡魯龐自消



龜背圻槐花頻逐馬蹄忙西南故老情何切六  
一清風興甚長記取郵亭歌送日遠人爭說鄭  
公鄉

來吉亭和韻

昆明進士 保先烈 知湖北

萬里驅車清節著三年做館故情深寬嚴政在  
人爭仰豐樂亭成事可尋地止一區收遠景總  
開四面得濃陰公餘屢許陪隅坐閒聽村氓野  
老吟  
仁風幾載扇邊疆善俗宜民道一匡遺愛自隨

廣南府誌卷四 文藝

六十五

來吉永茲亭應興去思長請看桂榜聯翩起尚  
說槐衙訓課忙恨我鶴書催去馬低徊難別鄭  
公鄉

來吉亭和外父元韻

廩生 呂元音 平樂

迤東名物久傾心澤比洋江一樣深閭里既經  
長靜鎮山林何礙細搜尋增前喬木岑天秀楹  
外甘棠遍地陰料得兒童編竹馬笑迎遊騎助  
謳吟  
他年建節撫封疆康濟生民道用匡堂構栽培

久



臺

基已厚亭臺賞玩事方長  
弓刀不擾夷民樂觴詠  
追陪屬吏忙家有名園公  
莫忘白頭衣錦好還鄉

來吉亭和韻

舉人王佩瑋郡人

仙吏偶臨邀澤渥佛場初  
選抗懷深三閭屋築民  
爭赴一卷書攜鶴共尋  
好對清談開水榭如逢  
勝景到山陰邀萌也識  
弦歌化短笛頻吹助遠  
吟

翩翩吉鳳在邊疆大雅  
扶輪敝不匡蔭借棠陰

廣南府誌卷四文藝

六十六

題字古香流林酒寫情長  
山橫客坐蓮花筆雪趁  
梅簷鶴翅忙太守自全  
真樂在而今人說鄭公  
鄉

來吉亭和韻

拔貢陳九功郡人

太守蒼顏勤政久邊城  
黔首望恩深文翁禮樂  
殷勤布白傅樓臺次第  
尋把盞定知懷嶺嶠登  
亭何異入山陰岳陽遺  
意分明見憂樂關心付  
雅吟

熙熙四境樂無疆治績  
真同大小匡澤我青衿



如化雨祝公白首與年長從知結構千秋在誰  
識憂勞五夜忙士庶觀遊須省記幾時亭榭壯

吾鄉

來吉亭和韻

貢生

潘定衡 郡人

寇

華構築成佳境遠籃輿度處彩雲深禪房花木  
隨心賞山館烟霞任意尋召伯甘棠同蔽芾  
公遺柏有濃陰却愁微霜無多日留與吾儕自  
在吟

來吉亭和韻

貢生

張

淳 郡人

廣南府誌卷四

文藝

六十七

早仰軒車黃叔度恩波霑溉玉泉深初開佛地  
迎輿出更把山亭附郭尋四面軒窗留月影一  
肩琴鶴到花陰醉翁意在同民樂不為醒時搦  
管吟

看

山河鬱鬱舊封疆一變蠻風識大匡未辨去思  
人意切先看來吉

國恩長堦前滌籍呈詩拙寺裏方于執爨忙他日

見懷賢太守鏤金鑄范供枌鄉

來吉亭和韻

廩生

楊兆慶 郡人



太守循聲寄遠疆言詩更似解頤匡應知杜老  
寒情在不信歐公醉意長地近自兼城市樂亭  
成還慮里閭忙若教五馬年年駐瘴嶺都成禮  
義鄉

來吉亭和韻

生員 徐斗山 郡人

十載鴻猷著遠疆何須小築見骨匡詩書有味  
官情淡山水無名野趣長客至留題分唱和子  
來急誠勿奔忙醉翁意在非闕酒莫認旗亭是  
醉鄉

廣南府誌卷四 文藝

六十八

題靈雨亭

知縣 許澄清 海鹽

谿研自大架虛亭不為登高為表靈雲聳山骨  
連蛻躡風來谷口帶龍腥誰依半壁陳三瓦我  
欲千秋薦一劍此後豐年頌將受摩挲石鱗認

鑿青

甲申九月不園伯招登雲外香樓

舉人 楊學周 蒙自

太守重回續舊遊登臨結客坐香樓當窗楓葉  
經霜艷繞砌菊花近夕幽賦擅龍山思往事名



高虎榜祝來秋莫辭醜酖酬佳節十首新詩當

酒籌坐公出竹枝詞十首

連郡宵燈

知府何愚平樂

如連山勢繞邊城景物殷繁紀太平玉燭通衢

輝即閣牙籌永夜振街棚笙歌錯落三更鼓震

辰句留二尺檠最是諸生文戰罷出門猶似火

龍迎

楠溪畫艇

見說楠溪景最幽家家都築望江樓回篙亂刺

廣南府誌卷四文藝

六十九

翻魚腹掛席忙收占馬頭鳥戀花迎十里客鹽

喧米闕四時舟莫嫌太守無多興到此曾教丰

日游

龍湫陰雨旱時亦久

水有靈兮不在深多時未見老龍吟祈將噓氣

成雲手化作為霖濟物心入土幾曾泥滑滑潛

淵休要睡沉沉朝陰暮霽終何益禱雨詩投望

賞音

虎阜晴霞

霽



卷四

探奇何處駐駢騑  
虎阜岡平水草肥  
倚檻正當浮霧散  
含毫又見落霞飛  
晴烘樹樹吳綾畫  
夕照山山蜀錦衣  
組練三千嘗振此  
風雲若為展

翠嶺屏風

不辭蒸瘴赴雲邊  
峻嶺奇峰落眼前  
方重巖如瞻泰岱  
登臨除是附神仙  
石華色染鴉青  
豔露葉光浮翡翠  
鮮一變白墳黃壤  
局山靈且使地無權

廣南府誌卷四

文藝

七一

響泉瀑布

杖策經過響水塘  
依稀冰柱界山陽  
九天誰瀉銀河影  
六月還生石徑涼  
聲韻琤琮諧律呂  
源頭活潑悟文章  
巖巖兀自能滋物  
請看飛流灌一方

普廳秋稼

深山豈有絲莎廳  
廳外响畦一片青  
春後犁鋤如雨集  
秋來場圃似雲停  
長鏡柄擔輸高宅  
小犢車驅過短亭  
新穀糶些先貰酒  
木棉樹下醉

响畦



還醒  
博瀨春遊

清明前後足歡娛博瀨灘頭記早起翠蓋雲鬢  
來麗者青衫霧縠走狂奴木知東道誰為主不  
信羅敷自有夫翻笑江南逞遊冶杏花春雨太  
模糊

蓮郡宵燈

舉人 呂 林 普 沮

曾聞蓮郡慶年豐夾道蘭缸徹夜紅人影縱橫  
燈影下書聲斷續漏聲中光明不假燃松節才

廣南府誌卷四 文藝

七十一

便如逢導燭籠回憶火城觀榜日一宵身在廣

寒宮

蓮郡宵燈

貢生 溫如春 昆明

使君即景囑抽毫入夜長嚮覽一遭酒肆聲繁  
蓮府近書燈光遠桂樓高兩行蠟炬攤瓜果幾  
處松棚售棗饊自信宵行非杜牧不煩街卒報

旌旄

蓮郡宵燈

舉人 胡慶元 郡人

山城何處話良宵十字街前景最饒瓜瓞青紅



帘

光閃閃酒帘赤白影影誰來闌闌栽珠樹或  
遣文章映斗杓司寤不須頻禁夜太平有象任

逍遙

楠溪畫艇

頁生 温如春 昆明

楠溪一水碧如油俯檻閒看小艇遊脫履朝牽

青雀舫插篙夜傍白蘋洲人依雁鷺爭眠食客

借魚蝦供膳羞三五連檣燈數點漁歌野調起

船頭

龍湫陰雨

經歷 談 淳仁和

廣南府誌卷四 文藝

七十二

山氣迷離水氣浮行人指點說龍湫濕雲遮徑

青如畫陰雨著花翠欲流漠漠田原聞叱犢幽

幽林木聽鳴鳩卑官詎作為霖夢利物期將素

志酬

龍湫陰雨

頁生 温如春 昆明

龍蟠聞在此湫中陰雨迷離望若空萬樹烟嵐

籠黯淡四山雲霧鎖冥濛時無杜甫詩難狀地

之闕全畫不工豈獨遊人傳勝景田家到處頌

年豐



虎阜晴霞

舉人 呂 林普洱

閒來覽勝出西城紫霞紅輝照眼明  
此日鷹揚當耀武當年虎踞偶傳名  
餘霞散綺通花縣新月如弓掛柳營

盛代只今消暴厲榮光纔現彩雲生

翠嶺屏風

副榜 李如珠 郡人

誰遣名山插半空天然屏幃峙南東  
如金階就光搖漾似鈿璫成色鬱葱  
幾度礙烟還礙霧十尋直雨又直風  
蠻荒翠嶺知多少才荷標題便

廣南府誌卷四 文藝

七十三

不同

響泉瀑布

副榜 李如珠 郡人

殷殷雷聲何處顛由來  
壁噴飛泉衝巖吼谷  
驚猿鶴濺沫奔濤識管絃  
百丈銀河青露外一條玉虹絳  
翠微前徐凝好句容偷吞  
悲累詩家費洗滌

普廳秋稼

經歷 談 淳仁 和

人生計在西疇况復邊城更望秋  
綠野千畦前日秀黃雲四望王  
此時稠豐盈共喜來田暖大



有  
曾書上督郵蠻府參軍無箇事且將蠻語詠

區宴

普廳秋稼

舉人胡慶元郡人

參軍廳外是平時好景多於八月秋月白夜深

香細細雲黃風起影浮浮餘糧棲畝羣鳩喋

穗盈塍寡婦哀曾為古耕經過地收將今日佐

歌謳

博瀨春遊

經歷談淳仁和

一年好景數清明士女乘春樂事并談笑偶隨

廣南府誌卷四 文藝

七十四

釵

冠蓋意醉歸誰念豆觴情杯盤率素風原古釵

并紛陳事太生相贈未曾將為藥任他閨論與

鄉評

蓮郡宵燈

知縣何蘭汀山陰

蓮花地裏撒金蓮快似金吾不禁火到此萬家

證

生佛地傳燈香火證前緣廣南科名本少養十

餘年癸酉兩紅綾賜宴將拭目以俟之

楠溪畫艇

兩山夾水一溪春舟子頻呼夜向晨只怕風流



曩 宰

爭奔競不教邛友作宵人  
宦途世載閱人多  
虎阜晴霞

昔年曾記華丹霞  
異事爭傳虎渡誇  
閩海滇巖

皆赤子敢將黃政誤  
桑麻憶辛未壬申承之龍  
虎渡之黑回想曩時除

累鋤奸墨勝感慨云爾

龍湫陰雨

龍雷雲水重經編  
禱雨祈晴果有神  
須識陰陽

資變理調元猶憶問牛人

舊註刪

廣南府誌卷四 文藝

七十五

翠嶺屏風

樓臺終日一家坐  
屏幃當空四面圍  
瘴雨蠻烟

萬里外會稽山水想依稀  
四無時不屏幃一

沈公山陰人係汀同鄉故云

響泉瀑布

側聽鳴玉嗽飛泉  
峭壁危崖匹練懸  
我是浙江

東渡客雪濤猶認廣陵前

普廳秋稼

撫茲足食豐衣侶  
世業輕徭薄賦田  
多稼如雲



書大有康衢耕鑿樂堯天

剝瀨春遊

王道人情古有之采蘭贈藥鄭風詩仲春令會

周官禮此是睡麟雅化時

皇姑墓

知府董國華

郭外王姬冢埋香直播遷秦樓虛重華待月

# 市

吳市竟成煙家國漂搖日宮闈少年禮華歎

桃李紅繞墓門前

蓮城竹枝詞

學人輩  
縣知縣陳龍章  
劇人

廣南府誌卷四 文藝

七十六

# 看貼

炒麵充飢渴飲泉短夜青色至腰邊辟將桐子

為燈火賂地圍爐掃地眠美人

滿眼深紅一徑花若看素淨數山茶雖然四季

多奇亦到底無春色也差花草

碩果摘時趁早霜莫留枝上懸青黃餉君佛手

柑如斗漣取珠槽半變香菓品

窩泥猪小嬾而肥尖耳花毛短足跡枝上飛鳴

枝上宿三更更報擺夷雞畜產

大紅橘子綠林稠魚筍瓜蔬應所求紙號千張



戶

堪入藥竹名人面稱扶鳩物產

掛簽五彩當門風對幅雙題比戶封晨起炷香

酬祖德街前遍植兩柯松之旦

也知三五燈光好拍手跳鷄擊鼓腔粧就自般

村俗相沿街酬唱一雙雙唱上元節裸夷跳鷄酬

梯田百畝計深種曲直高低地勢成芒種未過

秧出水山農日日聽雷鳴田疇

千章古來碧苔封二月春深正祭龍郎誤闖來

須盡醉量難勝酒莫相逢謂祭龍山中古木夷人

廣南府誌卷四 文藝

七十七

借醉則喜否則以為得罪龍神

螺蜂午日擁村姑到面雄黃鼻耳塗口嚼檳榔

唇暈血使君羞殺見羅敷端午

星迴節近更流連入夜風清六月天紅糯熟時

香滿座家家慶祝祀新年六月過年

茅疇六七稻先黃木葉新色扁米香比似清新

仙飯好桃花渡口餉劉郎扁米薦新

中秋大氣滿雲霞樂事相攜過酒家閒憩柳陰

思解渴賽紅爭餅密瓢瓜中秋



提壺拿盒紙錢飛藉草團團望一圍酒食是歡

男女雜假巴十月送寒衣十月

臆月雖寒少着棉大家餽塊送殘年粗香一對

高三尺遍地松毛作地毡

小年祭神相賀謂之過月初九日如新正時

幽風月令未曾傳纔過新年又小年家有魔公

能祀鬼蕉包紅飯賽新魚五色飯祀神以蕉葉包

祭神以為神來遊也楊官廟祭罷舉家言語寂靜

鑿鑿銅鼓響曾休祭賽六郎信有求夜靜人家

廣南府誌卷四 文藝

七十八

聲寂寂恐驚車馬待神遊

紅飯祭神以色染紅飯親厚者轉相餽送

香花草獻雜紅粒祀罷家家相贈宜老塞稱土人

長為見來原木解博郎舉土人稱讀書進為我寫

函詩

高山流水 五言古并序 生員顏觀清郡人

余少時側聞郡有高山流水勝景在西關百里

外以未得遊覽為恨道光戊戌歲始經其地初

至設下處榜曰高山流水塘入憩亭額懸嵩岳



瀑布為鍾鐵嶺公祖遺墨遂疑境盡於是無甚  
奇焉再行二三里峯迴路轉鳥語花香令人徘徊  
不欲去依山之麓有村居焉青蒼滿目水石  
青奇覺畫工之莫可彷彿更進數武忽一山峙  
立於前壁立千仞疑鬼斧削成下有清溪環繞  
上題高山流水四大字旁鐫萬曆已外奉修銅  
運孔道至此有感而題袁灝書壁近處鑿成碑  
版十一片字多磨滅乃揖村老而問曰此前官  
有德政之去思碑也字痕尚依稀可認余仰企

廣南府誌卷四 文藝

七十九

絕壁俯玩清流援筆成五言古一篇以紀其勝  
余有山水癖嘗懷壯遊志嵩嶽擬登攀滄溟勞  
夢寐一一有奇觀耳聞足未至年來覓硯田始  
獲經其地初尋山徑入髣髴得大意如讀索靖  
碑乍見猶唾棄行行二三里山川厥幽致鳥語  
遠迎人花香近撲鼻林密藏煙村此景難圖繪  
忽見一山立矗矗插天際鴻濛開闢時鬼斧想  
工製下引清流溪滔滔日夜逝長此千萬年令  
人每翹企昔有感懷人高山流水寄宦遊乘興



破火

來大書岩間字山麓列殘碑之是思良吏字跡  
 雖模糊口傳尚堪誌我行至其間臨玩窮幽遂  
 俯流滌心清仰拳迎面翠耳目為一新豁然尋  
 妙諦興到筆隨之聊以記奇異  
 詠狄武襄公  
 一戰崑崙奪奇功說武襄危危留馬跡武襄破  
遺將分定其地科巖馬遺廟鎮狼腹蠻國名服  
跡相傳乃附會之說  
 時寬蠻族分屯駐沈郎至今上元夜燈火賽祠  
 堂

廣南府誌卷四

文藝

八十

嫻繪

廣南雜詠  
 持磨遐荒地孤懸象郡東分疆重嶺外按部白  
 蠻中刀劍懲夷俗弦歌慕漢風我慚驚渤海無  
 術化愚煮  
 辛讜唐賢守籌邊控馭嫺金繒通六詔木夾制  
 羣蠻療女能知義狂酋暫革頑誰何於戰畧種  
 類盡窮山  
 地雜華彝俗人喧子午街白鹽官設店青笠婦  
 檐柴俸墮土粒從古媿隅語莫諧春汲雙足便渾



鬼

未解兜鞋

屯練民防重城隍地險資向來成廢墜何以禦  
邊陲鳩度分清俸魚麗復舊規聊完寸土責敢  
望士民思

蠻村重銅鼓猶龍伏波名埋沒經塵劫鏗鉤發  
巨聲遺文添郡志古色鎮山城不是鬱林石難  
勝歸舫輕

落日一登樓茫茫我欲愁暮雲十里瘴哀角萬  
山秋鄉信稀來雁夷風尚侷牛真成窮塞主無

廣南府誌卷四 文藝

八二

計慰離憂

銅鼓遺珍

署知府

李熙齡 字芸渠 江西南城縣進士

伏波遺鼓製彌工班剝何曾蝕雨風異代珍為夷俗

樂當年鑄就漢家銅摩沙遙想銷兵氣歌唱長思立

柱功不朽勳名誰繼美千秋奇跡武侯同

龍潭月印

一輪明月印澄潭窟有盤龍在吐含淵底忽看金鹽  
現人間快作寶珠採搖來瞻魄光全碎驚起驪眼夢  
正酣濟早定知騰躍去連朝霖雨喜流甘



山聳者鷓

西峯聳秀入雲間  
五色靈鷓任往還  
躡頂誰攜雙屨  
屐分支又認九龍山  
濃煙縹緲浮丹閣  
密霧迷離罩  
翠巖定有神仙時跨鶴  
此中不許俗人攀

寶月雄關

東南險峻鎮雄關  
寶月高懸萬仞間  
絕嶺嵯峨通百  
粵重岡斷續鎖諸蠻  
天門夜靜烽煙色  
石棧晨消露  
露班深喜邊陲常鞏固  
千秋蟾影卧空山  
法土菴城在西城外五里望菴橋  
西有營盤

廣南府誌卷四

河所經之法  
土菴城異

八十二

一帶虹橋夾岸橫  
鄉人指點說菴城  
蠻疆全恃依山  
險雉堞都疑鑿石成  
馬放荒邱驚電逐  
牛驅古陌帶  
雲耕此間樂土羣  
安業固壘渾忘舊  
結營

玉泉流碧

廩生 王琦

誰開石井列峯頭  
一勺清泉賦碧流  
玉液濃翻深淺  
色金波淨洗古今秋  
不同合浦珠光現  
恰比方塘寶  
氣浮直入西洋江  
內注澄源尚記  
出山不  
池開洗馬  
生員 顏觀清



平開一鑑柳營西  
飲得花驄逐電嘶  
因號碧池為洗  
馬藉滋綠野好  
扶犁流泉暗繞  
皇姑墓遺澤難忘  
宋伯堤回憶秋風  
亭裏客賢聲應與  
白公齊

鳳嶺煙籠

廩生

楊應聘

高崗曾說鳳凰來  
千仞峯頭錦作堆  
信有山靈驅鳥  
鳥頻教煙靄接  
三台碧梧棲處  
朝陽映紫閣鳴  
時曉

銅鼓遺珍

八十三

征南人去已千秋  
銅鼓還教絕壤留  
細巧花紋伴駱  
廣南府誌卷四文藝

越太平歌唱集  
蠻酋摩挲尚有神  
靈氣刺蝟都無風  
雨憂見說邊城  
刁斗靜頻將遺製  
溯鴻猷

山簞者鷓

九峯西峙絕無倫  
莽莽浮雲疊似圍  
嶺背摩大排帳  
幄巖頭聳日駐  
仙神蒼煙縹緲  
凌交趾餘斡盤旋  
下粵津最喜新晴  
山市斂者鷓村畔  
現全身

響泉瀑布

陣陣濃煙掃不開  
每騰巨響出峯隈  
穿雲瀑布垂垂  
落破石鳴泉滾滾  
來幽谷漫天飛  
素雲深山白日走

雲



晴雷玉龍十丈懸空挂擲作明珠幾萬堆  
寶月雄關

半壁闕開峻嶺頭東南門戶此咽喉八苗營寨歸扁  
鎖百粵山川接下流遙向斜陽窺白馬不須驚氣閉  
青牛何人錯認巖前月浪說將軍夜度秋  
翠嶺屏風 舉人 楊應運

翠嶺端嚴鎮海隅仙屏奕奕彩霞敷草舍碧潤琉璃  
影花綴紅英錦圖雲氣連時詩境在雁行書過字  
痕無為經妙手標題重金印輝騰景象殊是山舊名金印  
廣南府誌卷四 文藝 八十四

兩

科巖馬跡  
破竹功成著鼎彝英雄神駁雨稱奇試看今日科巖  
上猶道將軍馬跡遺邊月踏殘霜印淺陣雲蹴破蘚  
痕滋空餘古木寒煙外靈躡步差隱廢祠

豐年古洞

豐年人共紀蓮城倚碧巖空夕照迎洞隱彩雲來紫  
燕亭開靈雨慰蒼生深潭定有龍穴奇石難分虎  
豹名尚喜東菑煙火近攜壺檻外課春耕

蒲江晝粧



蒲岡東去見蒲江十里舟行九瀉瀧春水鳴根已半盡  
艇秋風把枚送晴艘舟人酒貫丹楓舍估客帆收碧  
月石萬舸銅鹽齊繫纜黃昏燈火滿篷窗

山登者鷄

生員 唐立法

如禽大際矚塵寰兀起羣是此山絕頂雲煙紫碧  
落有時風雨護蒼顏九溪水至我城匯山有九溪  
嶺人從鳥道攀我欲登高頻眺望者鷄村畔幾回還

廣南府誌卷四

文藝

八十五